

# »My přećiwo koronje« – aktualne naprawy přećiwo koronje w Swobodnym staće Sakskej

Lube wobydlerki a lubi wobydlerjo, Wam wšitkim so dźakuju, zo naprawy přećiwo pandemiji sobu zwoprawdžeće. Njesemy tute brěmjo zhromadnje.

*ministerski prezident Michael Kretschmer*

## Wukaz za škit před koronu



Statne knježerstwo je wukaz za škit před koronu k 1. měrczej 2023 zběhnyło.

Hižo wot 3. februara 2023 **njeplaća w Sakskej žane krajne škitne naprawy před koronu.**

Wot 1. měrca 2023 bu winowatosć testowanja po zakonju wo škiće před infekcijemi w chorownjach, hladarnjach a zarjadnišćach za podpěru zbrašenym a handicapowanym wusadźena.

# Přehlad napravow přećiwo koronje

## Winowatosć maski we wěstych zarjadniščach

Winowatosć za nošenje FFP2-maski abo přirunajomneje škitanskeje maski za dychanje płaći za

wopytowarjow, kiž scěhowace zarjadnišća wopytaja:

- chorownje (tež k tomu słušace zarjadnišća jatby za psychisce abo na wotwisnosć chorych skućicelow) a zarjadnišća za rehabilitaciju, w kotrychž wotměwa so z chorownjemi přirunajomne medicinske zastaranje,
- stacionarne a zdžěla stacionarne hladarnje za staršich, zbrašenych abo hladanja potřebnych abo přirunajomne zarjadnišća



pacientow a wopytowarjow scěhowacych zarjadniščow:

- lěkarske praksy, zubnolěkarske praksy, psychoterapeutiske praksy
- praksy dalšich humanmedicinskih hojenskich powołanjow (na př. fyzioterapeutow, ergoterapeutow)
- zarjadnišća za ambulantne operacije,
- zarjadnišća dialyzy,
- dnjowe kliniki,
- lěkarske a zastaranske zarjadnišća, kiž su z horjeka mjenowanymi přirunajomne,
- zarjadnišća zjawneje strowotniskeje služby, w kotrychž přewjeduja so medicinske přepytowanja, prewentiwne naprawy abo ambulantne lěkowanje,
- wuchowanske služby

## Winowatosć testowanja we wěstych zarjadniščach

Winowatosć testowanja wot 1. měrca 2023 wjace njewobsteji.

